

Generalna skupština PERV-a  
Tačka 12 Dnevnog reda  
(nacrt)

*Ažurirana verzija sa dostavljenim izmjenama i dopunama*

**Poštivanje socijalnog dijaloga kao temelj demokratije**

1. Poštivanje socijalnog dijaloga i uloga nezavisnih socijalnih partnera, uključujući puno poštivanje sindikalnih prava, slobode udruživanja, prava na organiziranje, kolektivnog pregovaranja, prava na štrajk, te puna zaštita sindikalnih predstavnika predstavlja temelj demokratije i osnovni stub Evropskog socijalnog modela.
2. Nedavne krize su još jednom pokazale da su države koje imaju snažan socijalni dijalog i kolektivno pregovaranje bile u mogućnosti da pripreme učinkovit odgovor i rješenja, a gledajući iz ekonomskog i socijalnog ugla i bolje su djelovale.
3. Ali, velikom broju država u Evropi nedostaje učinkovito uvažavanje sindikalnih prava i socijalnih partnera, te bipartitnog i tripartitnog socijalnog dijaloga, a osim toga ne garantiraju ni okruženje koje ide u prilog socijalnog dijaloga i izgradnje mehanizama koji osiguravaju uključenost, informiranje i konsultacije sa socijalnim partnerima. Isuviše često nedostaju potrebni instrumenti i mehanizmi za promociju i unapređenje kolektivnog pregovaranja i podrške organizacijama poslodavaca i sindikata da se uključe u kolektivno pregovaranje, naročito na nivou sektora i u vezi sa više sektora.
4. Prakse razbijanja sindikata u Evropi su u porastu. Veliki je broj slučajeva nepoštivanja i neprovođenja sindikalnih prava. U određenim slučajevima, neke vlade se uključuju u otvoreno provođenje represivnih mjera protiv sindikata, ograničavajući im mogućnosti da zastupaju radnike, čime krše međunarodne standarde rada. U velikom broju država ne postoji upravna ili krivična odgovornost za kršenje sindikalnih prava, naročito za uplitanje u sindikalno djelovanje ili druga djela koja imaju za cilj razbijanje sindikata.
5. U porastu je također i zabrinjavajuća praksa stvaranja zabune i miješanja različitih i odvojenih uloga
  - socijalnih partnera i socijalnog dijaloga
  - građanskog društva i građanskog dijaloga.

Uvođenje NVO u okvir socijalnog dijaloga, što provode vlade nanosi naročitu štetu i to se mora odbaciti.

Na osnovu ovih uvodnih informacija,

6. PERV smatra da je od izuzetne važnosti za države i institucije u Evropi da uloži napore usmjerene na poštivanje i jačanje socijalnog dijaloga i puno poštivanje sindikalnih prava. U takvom okviru, neophodno je osigurati dovoljna finansijska sredstva za izgradnju i jačanje kapaciteta socijalnih partnera.
7. PERV poziva vlade da:

- Poštuju konvencije MOR-a, principe socijalnog dijaloga, uloge samostalnih partnera;
- Promoviraju socijalni dijalog i institucije na nacionalnom nivou, kolektivno pregovaranje, da grade okruženje koje ide u prilog vođenju socijalnog dijaloga i kolektivnog pregovaranja, te da jačaju kapaciteta socijalnih partnera;
- Osiguraju da se razlikuje uloga socijalnog dijaloga i građanskog dijaloga;
- Osiguraju da se organizacije građanskog društva ne koriste za potkopavanje sindikata;
- Osiguraju garanciju za prerogative sindikata.

8. Pozivamo evropske i međunarodne institucije da:

- Promoviraju socijalni dijalog i puno poštivanje socijalnih partnera;
- Osiguraju da se vidi razlika između socijalnog i građanskog dijaloga, uključujući u bilateralnim i multilateralnim okvirima;
- Uvedu samite socijalnih partnera u bilaterlane (i multilateralne) institucionalne okvire.

9. PERV poziva organizacije građanskog društva da:

- Poštuju ulogu sindikata i socijalnih partnera;
- Odbiju da ih vlade ili poslodavci koriste za potkopavanje sindikata i kolektivnog pregovaranja;
- Prihvate i promoviraju sindikate kao poslodavce.